

ქ. ხობი

2017 წლის 9 იანვარი

ბიუროს წევრთა კანონით დადგენილი რაოდენობა - 14

ბიუროს უფლებამოსილ წევრთა რაოდენობა - 14

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. ნუგზარ შუშანია
7. ლაშა ცატავა
8. ლევან ქავთარაძე
9. ედიშერ წურწუმია
10. თენგიზ აბაკელია
11. როსტევან გვარამია
12. ვასილ კუკავა
13. თემურ გულუა

ბიუროს სხდომას თავმჯდომარეობდა ედიშერ ჯობავა – საკრებულოს თავმჯდომარე

დღის წესრიგი:

1. ხობის მუნიციპალიტეტის გამგებლის გ. ქაჯაიას 2017 წლის 6 იანვრის N05/28 წერილის განხილვა („სსიპ-საქართველოს მუნიციპალური განვითარების ფონდიდან სესხის აღებაზე ხობის მუნიციპალიტეტის გამგებლისთვის თანხმობის მიცემის „შესახებ“ განკარგულების პროექტის თაობაზე).
(მომხსენებელი: გ. სიჭინავა- საკრებულოს ეკონომიკური განვითარების საკითხთა კომისიის თავმჯდომარე).

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით
(კენჭისყრას არ ესწრებოდა: მ. ქარდავა)

დღის წესრიგით გათვალისწინებულ საკითხთა განხილვა

- ხობის მუნიციპალიტეტის გამგებლის გ. ქაჯაიას 2017 წლის 6 იანვრის N05/28 წერილის განხილვა („სსიპ-საქართველოს მუნიციპალური განვითარების ფონდიდან სესხის აღებაზე ხობის მუნიციპალიტეტის გამგებლისთვის თანხმობის მიცემის შესახებ“ განკარგულების პროექტის თაობაზე).

(მომხსენებელი: გ. სიჭინავა- საკრებულოს ეკონომიკური განვითარების საკითხთა კომისიის თავმჯდომარე).

მოისმინეს: გ. სიჭინავა - მომხსენებელმა ბიუროს წევრებს გააცნო განკარგულების პროექტი „სსიპ-საქართველოს მუნიციპალური განვითარების ფონდიდან სესხის აღებაზე ხობის მუნიციპალიტეტის გამგებლისთვის თანხმობის მიცემის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და განაცხადა, რომ გამგეობის განმარტებით საქართველოს რეგიონული განვითარებისა და ინფრასტრუქტურის სამინისტროს 2016 წლის 8 დეკემბრის N01/3730 წერილით საქართველოს მყარი ნარჩენების მართვის პროექტის ფარგლებში, მუნიციპალიტეტებისთვის შეთავაზებულ იქნა სესხის აღებისთვის ხელსაყრელი პირობები, საქართველოსა და ევროპის რეკონსტრუქციისა და განვითარების ბანკს შორის 2016 წლის 12 ივლისს გაფორმებული გრანტისა და სასესხო ხელშეკრულებით სსიპ საქართველოს მუნიციპალური განვითარების ფონდის მიერ შემუშავებული სარეკომენდაციო შეჯამების ცხრილის საფუძველზე. განმარტებით ბარათში აღნიშნულია, რომ გამგეობის შესაბამის სამსახურებთან შეთანხმებით, მიზანშეწონილად იქნა მიჩნეული წინადადება მუნიციპალიტეტის სახელით სესხის აღების შესახებ, 2 ერთეული ნაგავმზიდი ავტომანქანის და 100 ერთეული სანაგვე ურნის შესაძენად, სესხის თანხა განისაზღვრა 515,292 (ხუთას თხუთმეტი ათას ორას ოთხმოცდათორმეტი) ლარით. საქართველოს ორგანული კანონის „ადგილობრივი თვითმმართველობის კოდექსი“ მე-100 მუხლის შესაბამისად, მუნიციპალიტეტის მიერ აღებული სესხის საერთო მოცულობა არ უნდა აღემატებოდეს გასული 3 საბიუჯეტო წლის მუნიციპალიტეტის საკუთარი შემოსავლების საშუალო წლიური ოდენობის 10 პროცენტს. გამომსვლელის განცხადებით, წარმოდგენილი პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები.

აზრი გამოთქვეს: რ. გვარამია - გამომსვლელი დაინტერესდა, თუ როგორ განხორციელდებოდა სესხის თანხის გადახდა?

გ. სიჭინავა - გამომსვლელმა განმარტა, რომ აღებული სესხის გადახდა განხორციელდება ეტაპობრივად.

ე. წურწუმია - გამომსვლელმა განაცხადა, წინააღმდეგი არ არის, მაგრამ მისი აზრით დიდი ნაგავმზიდი ავტომანქანის ყიდვა არ მიაჩნია მართებულად, რადგანაც უფრო მოქნილი და ეფექტური იქნებოდა ქალაქისთვის პატარა ზომის ნაგავმზიდი ავტომანქანების შემენა.

ლ. ქავთარაძე - გამომსვლელის განცხადებით, დასუფთავების სამსახური არ მუშაობს ეფექტურად და გამგეობის დარგის კურატორმა სამსახურმა ყურადღება უნდა მიაქციოს მათ მუშაობას.

დ. გაბუნია - გამომსვლელმა განაცხადა, რომ სანაგვე ყუთები ქალაქის ცენტრში არ უნდა იდგეს, რადგანაც საშინელი ანტისანიტარია და სუნია, მისი თქმით ალტერნატიული ადგილი უნდა გამოიძებნოს.

ე. ჯობავა - გამომსვლელმა განმარტა, რომ ჩამოყვანილი ნაგავმზიდი ავტომანქანა ახალია და ნამდვილად ჭირდება ქალაქს, ხოლო რაც შეეხება პატარა ნაგავმზიდ ავტომანქანებს, თუ საჭიროება მოითხოვს, მაშინ ასეთი მანქანებიც იქნება შემენილი.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 13, წინააღმდეგი - არც ერთი

დაადგინეს: წარმოდგენილი საკითხი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხის განხილვის შემდეგ სხდომა დახურულად გამოცხადდა.

სხდომის თავმჯდომარე

ედიშერ ჯობავა

